

brieff hinder vnns geleidt werden doch iuen geben derselben
glouplich vidimus oder wider brieff Item vnd alls durch sö-
lichs ainem mesner zu lustnow abgannng beschicht darjnn sol
vnnsrer gnediger Herr von costennz erkennen vnd demselben ge-
lept werden

Vnnd zuletst ist vorbehalten allen parthien, bis zu der
Seperation mer arttikel inzuo legen was not wirt sin doch
sol kain tail argwönlich trugenlich ald on not dise überkomen
vnd gesezten arttikel abstellen oder enndern dann vßß sonnder
mercklichen notdurft die jez nit wäre betracht worden alle ge-
färd hierjune vermhytten vnd vßßgeschlossenn

Vnnd des alles zu warem offenn vrkund haben wir ge-
nanten michel vnd märcel von Embß baid vnnsre eigen insigel
für vnns vnnsrer erbeu vnd nachtomen alls lechen herren vnd
och von bitt wegen des genanten her Cristan Rainlis pfarrer
zu lustnow wann der selbig eigens sigels nit hat, an disen
brieff gehennckt vnd den von wydnow den dann sy vnns och
ainen dargegen geben haben Sölich verwilligung, och bitt umb
die besiglung wie vorstat jch genanter Cristannus Rainli pfarrer
zu lustnow für mich vnd all min nachtomen pfarrer bekenn
gethon habenn Geben an Sannt Sebastions tag Von cristis
vnnsers lieben herren geburt gezelt fünfzehenhundert vnd vier
Zaure ic.

Sig. fort.

Sig. fort.

Sig. fort.

Streif da.

Streif da.

Berg. viele Löcher und Flecken.

(Original im Pfarrhaus zu Widnau.)
